

Bretainiako sarekadaren  
epaiketa

# Epaiketa honen bidez Frantziak bretoien elkartasuna zigortu nahi du HBren ustez

«Frantziako Gobernuak ez du irtenbide negoziatua nahi», Idigorasek dioenez

**D**atorren astean Parisen egingo den epaiketak «argi eta garbi uzten du Frantziako Gobernuak ez duela Euskal Herriko gatazka irtenbide negoziatu baten bidez konpontzeko gogorik, eta Espainiak bezala errepresio estrategia erabiliko duela», Jon Idigorasen iritziz.

Axun Erzibengoa / Donostia

HISTORIKOTZAT jo zuen hilaren 13an Parisen hasiko den «makroprozesua», baina epaiketa ez da kasualitatea HBren Mahai Nazionalako kidearentzat; bere ustez «Frantziako Gobernuak argi uzten du onartzen duela Euskal Herriko gatazka politikoa dela». Idigorasek dioenez, «Frantziako Gobernuak errepresioaren bidez gainditu nahi du arazoa, Espainiakoak bezala, ez du nahi irtenbide politikorik, elkarrizketa edo negoziaketarik gatazka gainditzeko». «Frantziak aspaldi hartu ditu bide bakartzat independentismoaren jazarpena eta kriminalizazioa».

Bestalde, prozesu hau «elkartasunaren aurkako epaiketa» dela argi ikusten du Jon Idigorasek. Bretainiako herria «mendekatu



Epaiketaren aurka egingo diren mobilizazioetan parte hartzeko deia egin zuen HBk atzo.

EDURNE KOCH

eta zigortu nahi dute, horrela Bretainiak Euskal Herriarekiko erakutsi duen elkartasuna amaituko dela pentsatuz». Frantziako Gobernuak «erabat oker» dagoela azaldu zuen Idigorasek, «elkartasuna bide horretatik ez baita sekula amaitu; aitzitik, indartu egiten da».

Idigorasek eskerrak eman zizkien Euskal Herriko indepen-

dentziaren alde elkartasuna erakutsi duten bretoi eta frantses guztiei. Era berean, Frantziako Gobernuari aldaketa bat eskatu zion bere estrategian, «aldaketa positiboa, Euskal Herriko gatazka bide baketsu eta demokratiko batean konpon dadin eta horretarako beharrezkoa da errepresio estrategiak» baztertzeari.

Nolanahi dela, Frantziako Go-

bernuak halako borondaterik ez badu erakusten, «Espainiakoarekin batera, errepresioaren bidez jarraitzea erabakitzen badu, guk ere ez dugu atzera egingo», gaineratu zuen HBko buruzagiak. Azkenik Idigorasek dei berezia egin zion Euskal Herriko jendeari, epaiketaren inguruan egingo diren mobilizazioetan parte har dezaten. X

Jarrairen iritziz, Gasteizkoa izan da inoiz egin duen manifestazio handiena

■ Oztopo ugari gainditu behar izan zituztela azaldu du gazte erakundeak

Erredakzioa / Bilbo

JARRAIK oso positibotzat jo zuen iragan larunbatean Gasteizen egindako manifestazioa. Gasteizen azken urteotan izan den manifestaziorik handiena izateaz gain, Jarraik inoiz egindako manifestaziorik jendetsuena izan dela ohartarazi zuen gazte erakundeak. 12.000 pertsona bildu zituen manifestazio horrek Jarrairen «indarra eta antolatze ahalmena» erakusteko balio izan duela gaineratu zuten, atzo argitara emandako agirian. Eta hori guztia «Estatuaren eta bere lagun erregionalisten indar zapaltzaile eta toxikatzailak gure erakundearen aurka zuzentzen direla».

Aldi berean Barne Sailak «manifestazioa sabotageatu, asistentzia murriztu, emaitzak gutxitu eta ondorengo ekimen poliziala prestatzeko» egin zuen kanpaina gaitzetsi zuen. Jarraik salatu zuen Gasteizko Udaleko ardura-dunek herritarrei kalera ez irteteko eta denda zein tabernak itxeko aholkatu zuela. Horretaz gain, autobus linea batzuk zerbitzurik gabe utzi zituztela esan zuen Jarraik. Udalak ezinezkoa egin zuen eszenatokia eta argi sorgailua erabiltzea, nahiz eta lehenago baimena emanda izan. X

«Zer esan nahi du argi-indarraren ordainagiriko atal bakoitzak?».

## Kontsumitzaile, jakingo duzu




Kontsumoari buruz jakin beharreko guztia jakiteko eskura ezazu **Kontsumitzailearen Gida**.

Produktu edo zerbitzu bat nola erosi edo kontratatu eta, behar izanez gero, erreklamazioa nola egin jakiteko.



Ez ahaztu: datorren azaroaren 10ean, egunkari honekin batera, Kontsumitzailearen Gida eskuratuko duzu.

**KONTSUMITZAILEARI ERANTZUNA**  
**900 500 500**



MERKATARITZA KONTSUMO ETA  
TURISMO SAILA  
DEPARTAMENTO DE COMERCIO,  
CONSUMO Y TURISMO